

## Kekchi - Musiq'ejil Nokooyalok Santil Hu - SW Intro Scriptures

Lucas 17:5 Ke'xye eb' li apóstol re li Qaawa': —K'e xtz'aqob' li qapaab'aal.

Romanos 10:17 Jo'kan naq li paab'aal nachalk sa' xk'ab'a' li Esilal, ut li Esilal napuktesimank sa' xk'ab'a' li Raatin li Kriist.

Lucas 11:1 Sa' jun li kutan yo chaq chi tijok li Jesus sa' jun li na'ajej; ut naq kiraqe'k chaq, jun reheb' li xtzolom kixye re: —Qaawa', tzolo chi tijok jo' naq laj Jwan kixtsoleb' li xtzolom.

1 Timoteo 2:1-4 At walal, kawaq aach'ool sa' rusilal li Kristo Jesus, 2 ut jo'ch'inal jo'nimal li xawab'i wik'in chiruheb' naab'al chi testiw, a'an ajwi' chaq'axtesi reheb' winq aj paab'anel li te'xnaw moqon xtzolb'al jalaneb' chik. 3 Chakuyaq ajwi' laa'at li rahilal nink'ul laa'in, jo' xchaab'il soldaad li Kristo Jesus. 4 Maajun junaq soldaad naxlaatz'a rib' rik'in k'oxlak chirix li kutan junjunq wi traj xk'ojob'ankil xch'ool li xb'oqok re.

Zacarías 3:1,2 Chirix chik a'an li Qaawa' kixk'ut chiwu sa' moy u laj Josué, li xyuwa'il aj tij, xaqxo chiru li x'ánjel li Yos. Wank ajwi' li maa'us sa' xnim uq' li ánjel re xjitb'al laj Josué. 2 Toja' naq li x'ánjel li Qaawa' kixye re li maa'us: "Li Yos taxaq chich'iilanq aawe, at maa'us! A' taxaq li xsik'ok ru li tenamit Jerusalén chiq'usuq aawe! Ma ink'a' tab'l'i' xkole'k li winq a'in jo' junaq ru'uj si' sa' xam?".

Efesios 6:12 Xb'aan naq moko yooko ta chi xyalb'al qametz'ew yal rik'in winq, rik'ineb' b'an li wankeb' xwankil, eb' li neke'taqlank ut neke'awab'ejink sa' xb'een li ruuchich'och' a'in li wank sa' aak'ab', rik'ineb' li maa'us aj musiq'ej li wankatqeb' taqe'q.

Efesios 6:10,11 Sa' xraqik, kawub'resiiq leech'ool rik'in li xnimal xwankil li Qaawa'. 11 Tiqib'omaq eerib' rik'in chixjunil li xk'anjelob'aal li Yos re naq xaqxooqex chi kaw chiru leeraalenkil xb'aan laj tza.

Efesios 6:13-17 Jo'kan utan, chapomaq chixjunil li xk'anjelob'aal li Yos re naq teeram chiruheb' li maa'us aj kutan ut kaw xaqxooqex chi ak xeq'ax ru chixjunil. 14 Kawaq b'i' eerib' sa' leepaab'aal, jit'jooq leesa' rik'in li yaal ut tiqtooqex rik'in li tiikil ch'oolej re xkolb'al eerib'. 15 Chiwanq leexaab' cheroq re naq yo'oон wanqex chi xpuktesinkil li xchaab'il esil li tuqtuukilal; 16 wanq junelik leepaab'aal cho'q ramleb'ch'iich' re naq texruhanq xchupb'al chixjunil xxamlel li xsimaj li maa'us. 17 Chapomaq ajwi' li xtz'apb'al eejolom, a'an li kolb'a ib', jo'wi' li xch'iich'ul li Musiq'ej, a'an li Raatin li Yos.

Hebreos 4:12 Relik chi yaal naq yo'yo li Raatin li Yos ut kaw rib', jwal q'es chiru chixjunil li ch'iich' ka'pak'al xq'esnal. Nawulak toj sa' xyanq li aanmej rik'in li musiq'ej, toj sa'atq xtiqb'al li qab'aqel ut li sulutz; narajla jo'ch'inal jo'nimal li nareek'a ut naxk'oxla li ch'oolej.

Lucas 4:8 Kichaq'ok li Jesus ut kixye re: —Tz'iib'anb'il sa' li Santil Hu naq

- taaloq'oni ru li Qaawa' laaYos ut ka'ajwi' chiru a'an tatpaab'anq.
- Efesios 6:18 Junelik chextijoq, chextz'aamanq. Chi kok'aq xsa' chex'elajinq sa' li Musiq'ej. Yalomaq eeq'e chi yo'lek sa' komonil, yooqex chi tijok chirixeb' chixjunil laj santil paab'anel
- 1 Samuel 17:45-47 Kichaq'ok laj David ut kixye: "Laa'at xatchalk sa' inb'een chi wan chaq aach'iich', jutz' ch'iich' ut che', a'ut laa'in ok we chi yalok aawik'in sa' xk'ab'a' li Qaawa', xYos laj Israel, a' li Nimajwal li xahob' laa'at. 46 Anaqwan ajwi' li Qaawa' tatxq'axtesi sa' wuq', ut laa'in tatinkamsi, tinch'ot laajolom. Ut sa' li kutan a'in tink'e li xtib'eleb' laj puub' aj Filistea reheb' li xik'anel xul re li choxa ut reheb' li josq' aj xul wankeb' sa' k'iche'. Chi jo'kan chixjunil li ruuchich'och' tixnaw naq wank jun Yos re laj Israel. 47 Ut chixjunileb' li ch'utch'uukeb' arin te'xnaw naq li Qaawa' ink'a' nakolok rik'in ch'iich' chi moko rik'in jutz' che': li Qaawa' a'an laj eechal re li yalok a'in, ut A'an taaq'axtesinq eere sa' quq' laa'o".
- Lucas 10:17-20 Ke'sutq'iik chaq eb' li kab'laju xkaak'aal chi saheb' sa' xch'ool ut ke'xye: —Qaawa', eb' laj tza neke'paab'ank chiqu sa' laak'ab'a'! 18 Kixye li Jesus reheb': —Xwil laj tza chi t'ane'k chaq toj sa' choxa chanchan li raq'kaaq. 19 Chek'e reetal, xink'e eewankil chi xyeq'b'aleb' li k'anti' ut laj xook', jo' ajwi' sa' xb'een chixjunil xwankilal li xik' na'ilok eere; ut maak'a' k'aru taarahob'tesinq eere. 20 Ab'anan misaho'k sa' eech'ool rik'in naq tz'iib'anb'il leek'ab'a' sa' choxa.
- 2 Corintios 10:3-5 Yaal naq wanko sa' ruuchich'och', ab'an an ink'a' naqayal qu jo' naraj li ruuchich'och'. 4 Li ch'iich' nokooyalok wi' moko re ta li ruuchich'och', a'an b'an xwankil li Yos re xjuk'b'al chixjunil li xk'anjal li maa'us. Chi jo'kan yooke chi xpo'b'al li b'alaq'il na'leb' 5 ut chixjunil li q'etq'etil li naraj numtaak sa' xb'een li xna'leb' li Yos. Naqaj naq li xk'a'uxl chixjunileb' taakanaaq rub'el roq rub'el ruq' li Kriist re naq te'paab'anq chiru;
- 2 Timoteo 1:7 Xb'aan naq moko li xiwak ta xqamaatani chaq rik'in li Yos, a' b'an li xkawub' qach'ool, li rahok ut kuyuk ib'.
- Mateo 12:28,29 Ab'an, wi rik'in xMusiq' li Yos nawisiheb' laj tza, naraj naxye naq li xnimajwal awab'ejihom li Yos xol'elq eerik'in. 29 "Chanru naq taa'ok junaq sa' rochoch li winq kaw rib' re xmaq'b'al li k'aru wank re, wi ink'a' ta xb'enwa tixb'ak' li kaw rib'? Toja' naq tixjuk'i xsa' li rochoch.
- Efesios 1:13 Sa' xk'ab'a' A'an laa'ex li xerab'i ut xepaab' li Aatin re li yaal, a' li xChaab'il Esil leekolb'al, xexkaaxtiik ajwi' cho'q reechanihom li Yos, rik'in li Santil Musiq'ej yeechi'inp'il chaq:
- Hechos 19:6 Ut naq laj Pablo kixk'e li ruq' sa' xb'eeneb', kichalk li Santil Musiq'ej sa' xb'eeneb' ut ke'ok chi aatinak sa' jalan jalang aatinob'aal, jo'eb' li propeet.
- Marcos 16:15-18 Ut kixye reheb': "Ayuqex sa' chixjunil li ruuchich'och' ut chepuktesi li Chaab'il Esilal junsut junrub'el choxa. 16 Ani taapaab'anq ut taakub'eeq xha', a'an taakole'q; a'ut li ink'a' taapaab'anq, taateneb'aaq

tojb'amaak sa' xb'een. 17 A'aneb' a'in li eetalil li taak'utunq rik'ineb' li te'paab'anq: sa' ink'ab'a' te'isinq maa'us aj musiq'ej, te'aatinaq sa' jalan aatinob'aal, 18 te'chapoq k'anti' rik'in ruq'eb' ut, wi te'ruk' k'a'aq re ru nakamsink, maak'a' te'xk'ul; te'xk'e li ruq' sa' xb'eeneb' li yaj ut te'k'iraaq".

1 Juan 1:9 Ab'an wi naqaxooto li qamaak, li Yos chaab'il ut tiik xch'ool chi xkuyb'al xsachb'al qamaak ut chi qach'ajob'resinkil chiru chixjunil qamaa'usilal.

Éxodo 20:5 "Maahupub' aawib' chiruheb' chi moko taaloq'oniheb' ru. Xb'aan naq laa'in li Qaawa' laaYos, laa'in jun Yos aj sowen: ninteneb' li xmaak li na'b'ej yuwa'b'ej sa' xb'eeneb' li ralal xk'ajol, sa' xb'eeneb' li ri xmam ut li xxikin i li xik' neke'ilok we;

Salmos 109:17 Kixra ru li majewank: chikanaaq sa' xb'een a'an; ink'a' kiraj li osob'tesiik: mi'osob'tesiik ajwi' a'an.

Jueces 16:16 K'ajo' naq rajlal lix Dalila naxch'i ch'i'i laj Sansón, yo chi xtitz'b'al, toj reetal a'in ink'a' chik kixkuy

Efesios 4:26 jun chi Yos ut jun qaYuwa' chiqajunilo, li wank sa' xb'een chixjunileb', sa' xyanq chixjunileb' ut rik'in chixjunileb'.

Romanos 14:12 Jo'kan utan, li junjunq sa' qayaq tento toxch'olob' li xyehom xb'aanuhom chiru li Yos.

1 Juan 2:23 Chixjunil li ink'a' nach'olob'ank chirix li K'ajolb'ej, a'in maak'a' li Yuwa'b'ej rik'in; ab'an li nach'olob'ank chirix li K'ajolb'ej, wank li Yuwa'b'ej rik'in.

Juan 14:6 Kixye li Jesus re: —Laa'in li b'e, li yaal ut li yu'am. Maa'ani naxik rik'in li Yuwa'b'ej, wi ink'a' ta sa' ink'ab'a'.

Mateo 11:28-30 "Chalqex wik'in chejunilex li lub'luukex ut tawajenaqx xb'aan leeriq, ut laa'in texinhiltasi. 29 Chek'ulub'a linchaq'rab' nink'e sa' eeb'een ut tzolomaq eerib' wik'in, xb'aan naq tuulanin ut q'un linch'ool, ut sa texwanq. 30 Xb'aan naq li k'aru nekexintaqla wi' moko ra ta, ut li nink'e cheriiqani moko aal ta".

2 Corintios 6:2 xb'aan naq naxye: "Sa' chaab'il kutan xatwab'i, sa' xkutankil li kolb'a ib' xatintenq'a". Chek'e reetal, a'an a'in li kutan q'axal chaab'il, a'an a'in xkutankil li kolb'a ib'!

Romanos 10:13 Xb'aan naq "yalaq ani taayaab'anq re xk'ab'a' li Qaawa', a'an taakole'q".